



Broj: 13-02/2-11-5601-4/24  
Sarajevo, 12.03.2024. godine

Na osnovu člana 70. stav (1) i (4) Zakona o javnim nabavkama BiH („Službeni glasnik BiH, broj 39/14 i 59/22), a u skladu sa preporukom Komisije za javnu nabavku roba koje se odnose na Nabavku kompjutera broj 13-02/2-11-5601-3/24 od 11.03.2024. godine i Zapisnika o ocjeni ponuda broj 13-02/2-11-5601-2/24 od 11.03.2024. godine ministrica Ministarstva za rad, socijalnu politiku, raseljena lica i izbjeglice Kantona Sarajevo, donosi:

**ODLUKU**  
**o izboru najpovoljnijeg ponuđača i dodjeli ugovora**  
**-NABAVKA KOMPJUTERA-**

**Član 1.**

Prihvata se preporuka Komisije za javnu nabavku broj 13-02/2-11-5601-3/24 od 11.03.2024. godine, te se ugovor o nabavci roba koje se odnose na Nabavku kompjutera po provedenom postupku konkurentskog zahtjeva za dostavljanje ponuda uz primjenu e-Aukcije dodjeljuje ponuđaču Emado d.o.o. Sarajevo čija je ponuda broj NR-0603-55/24 od 04.03.2024. godine ocijenjena najpovoljnijom.

**Član 2.**

Za izvršenje ove odluke zadužuje se Ministarstvo za rad, socijalnu politiku, raseljena lica i izbjeglice Kantona Sarajevo.

**Član 3.**

Ova Odluka objavit će se na web stranici Ministarstva za rad, socijalnu politiku, raseljena lica i izbjeglice Kantona Sarajevo [www.mrsri.ks.gov.ba](http://www.mrsri.ks.gov.ba), istovremeno sa upućivanjem iste svim ponuđačima koji su učestvovali u postupku javne nabavke.

**Član 4.**

Ova Odluka stupa na snagu danom donošenja.

**Obrazloženje**

Postupak javne nabavke: Nabavka kompjutera pokrenut je Odlukom o pokretanju postupka javne nabavke broj 13-02/2-01-3869-1/24 od 09.02.2024. godine.



Tenderskom dokumentacijom je utvrđeno provođenje konkurentskog zahtjeva za dostavu ponuda sa kriterijom najniže cijene uz primjenu e-Aukcije. Procijenjena vrijednost nabavke je: 22.270,00 KM.

Obavještenje o javnoj nabavci je objavljeno na Portalu javnih nabavki pod brojem 568-7-1-7-3-2/24 dana 23.02.2024. godine dok je sažetak obavještenja objavljen u "Službenom glasniku BiH". Krajnji rok za dostavljanje ponuda prema obavještenju i tenderskoj dokumentaciji objavljenoj na Portalu javnih nabavki bio je 06.03.2024. godine do 14:00 sati. Javno otvaranje ponuda zakazano je za 06.03.2024. godine u 16:15 sati.

Komisija za javne nabavke imenovana Rješenjem o imenovanju komisije broj 13-02/2-01-3869/24 od 09.02.2024. godine, dana 06.03.2024. godine sačinila je Zapisnik o otvaranju ponuda u kojem je konstatovano da su za predmetnu javnu nabavku blagovremeno pristigle tri ponude u krajnjem ostavljenom roku i to ponude ponuđača:

1. PR Media Market
2. Didakta d.o.o. Sarajevo
3. Emado d.o.o. Sarajevo

Na javnom otvaranju ponuda održanom 06.03.2024. godine u 16:15 sati nije prisustvovao niko od predstavnika ponuđača koji su dostavili ponude kao ni druge zainteresovane osobe.

Prema obrascu za cijenu ponude dostavljene su sljedeće ponude:

Ponuđač:	PR Media Market	Didakta d.o.o. Sarajevo	Emado d.o.o. Sarajevo
Cijena ponude bez PDV-a:	22.260,00 KM	22.260,00 KM	21.840,00 KM
Popust koji dajemo na cijenu ponude (%):	0%	0%	0%
Cijena ponude sa uključenim popustom bez PDV-a:	22.260,00 KM	22.260,00 KM	21.840,00 KM
PDV na cijenu ponude sa uključenim popustom:	3.784,20 KM	3.784,20 KM	3.712,80 KM
<b>Ukupna cijena ponude (sa uračunatim PDV-om):</b>	<b>26.044,20 KM</b>	<b>26.044,20 KM</b>	<b>25.552,80 KM</b>

Komisija je konstatovala da nije bilo neblagovremeno pristiglih ponuda. Zapisnik o otvaranju ponuda je putem pošte i e-maila dana 08.03.2024. godine upućen ponuđačima koji su dostavili ponude. Komisija je izvršila analizu pristiglih ponuda provjerom sadržaja i validnosti dokumentacije koju su ponuđači dostavili, te je tom prilikom konstatovano da su ponude ponuđača PR Media Market i Emado d.o.o. Sarajevo prihvatljive, te da su navedeni ponuđači dostavili urednu dokumentaciju i ispunili sve uslove postavljene tenderskom dokumentacijom dok je ponuda ponuđača Didakta d.o.o. Sarajevo ocijenjena kao nepravilna iz sljedećih razloga:

Naime, članom 18. tenderske dokumentacije u dijelu koji se odnosi na način dostavljanja i sačinjavanja ponude između ostalog propisano je da:

*„Stranice ponude se označavaju brojevima na način da je vidljiv svaki redni broj stranice. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim završava prethodni dio.”*



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/4

Uvidom u dostavljenu ponudu ponuđača Didakta d.o.o. Sarajevo utvrđeno je da **niti jedna stranica ponude nije numerisana tako da na taj način nije osiguran kontinuitet numerisanja**, a što je u suprotnosti sa zahtjevima postavljenim u tenderskoj dokumentaciji. Imajući u vidu da niti jedna stranica ponude nije numerisana ovakav propust se ne može smatrati manjim.

Pored navedenog članom 26. tenderske dokumentacije zahtijevano je da ponuđači potpišu prijedlog ugovora bez popunjavanja ostalih dijelova ugovora, te **parafiraju sve listove** Nacrta ugovora koji je dostavljen u Prilogu 7. tenderske dokumentacije.

Pregledom dostavljene ponude ponuđača Didakta d.o.o. Sarajevo i dostavljenog Priloga 7. utvrđeno je da je Nacrt ugovora potpisan samo na predviđenom mjestu za potpis dok **niti jedna stranica nacrta ugovora nije parafirana** kako je to traženo navedenim članom tenderske dokumentacije, te je ponuda ponuđača Didakta d.o.o. Sarajevo i u ovom dijelu nepravilna.

Nakon utvrđivanja prednjih činjenica, Komisija je utvrdila termin održavanja e-Aukcije, nakon čega je ista i zakazana u skladu sa odredbom člana 4. Pravilnika o uslovima i načinu korištenja e-Aukcije ("Službeni glasnik BiH", broj 80/23) za dan 11.03.2024. godine u 12:00 sati.

Nakon okončanja e-Aukcije Komisija je izvršila uvid u Izvještaj o toku i završetku e-Aukcije kojim je konstatovano da u postupku e-Aukcije nije bilo podnošenja novih ponuda i da je ista trajala do 12:10 sati.

Slijedom navedenog, nakon završetka e-Aukcije, Komisija je utvrdila da su ponuđači u ovom postupku dali ponude po cijenama prikazanim u sljedećoj tabeli:

R. br.	Naziv/ ime ponuđača	Cijena bez PDV-a prije e-aukcije KM	Popust odobren u ponudi prije e-aukcije	Umanjenje cijene nakon održane e-aukcije u %	Ukupna cijena sa PDV-a nakon završene e-aukcije (KM)
1.	PR Media Market	22.260,00 KM	/	22.260,00 KM 0,00%	26.044,20 KM
2.	Emado d.o.o. Sarajevo	21.840,00 KM	/	21.840,00 KM 0,00%	25.552,80 KM

Planom javnih nabavki Ministarstva za rad, socijalnu politiku, raseljena lica i izbjeglice Kantona Sarajevo broj 13-02/2-11-1631/24 od 18.01.2024. godine utvrđeno je da procijenjena vrijednost nabavke iznosi 22.270,00 KM, te je cijena najpovoljnije ponude koju je ponudio ponuđač Emado d.o.o. Sarajevo u okviru planiranih i obezbjeđenih sredstava za predmetnu nabavku.

Imajući u vidu navedeno, Komisija je konstatovala da je u skladu sa kriterijem "najniža cijena" najpovoljnija ponuda ponuđača Emado d.o.o. Sarajevo, te je ministrici Ministarstva za rad, socijalnu politiku, raseljena lica i izbjeglice Kantona Sarajevo dostavila Preporuka broj 13-02/2-11-5601-3/24 od 11.03.2024. godine, kojom je predloženo da donese odluku kojom će u skladu sa kriterijem "najniža cijena" ugovor dodijeliti navedenom ponuđaču.



Nakon razmatranja dostavljene Preporuke ministrici Ministarstva za rad, socijalnu politiku, raseljena lica i izbjeglice Kantona Sarajevo ista nije našla razloge nepravilnosti niti propuste u radu koji bi eventualno predstavljali osnov za neprihvatanje Preporuke Komisije, te je odlučeno kao dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba Kancelariji za razmatranje žalbi BiH putem ugovornog organa u roku od 5 (pet) dana. Žalba se podnosi u najmanje 3 (tri) primjerka.

Pripremio: Kenan Herco, stručni savjetnik za pravne poslove i javne nabavke  
Kontrolisali: Lejla Gvozden, šef odjeljenja za finansijsku kontrolu budžeta  
Nuriya Hodžić, pomoćnik ministric

Sekretarka ministarstva: Amira Gackić

Dostaviti:

1. PR Media Market
2. Didakta d.o.o. Sarajevo
3. Emado d.o.o. Sarajevo
4. Evidencija
5. a/a



**MINISTRICA**

**Enda Pavić Pečenković**